

4237



瘡瘍經驗全書目錄

第二卷

發腦圖說 方一

頭後蜂窠散 注圖說

枕疽圖說

腦疽圖說 方二

對口瘡圖說 方二

兩邊髮際發圖說

面發毒圖說 方三

寒瘡圖說 方一

瘰癧圖說 方三

神效灸瘰癧穴法圖說 方

風毒發疽圖說 方一

頂門癰圖說 方三

眉風毒圖說 方二

發眉瘡圖說 方一

上下眼丹圖說 方三

發鬚毒圖說 方二

瘡瘍經驗全書目錄

鬢疽圖說 方二

疥腮毒圖說 方二

耳風毒圖說 方三

耳門癰耳根癰圖說

發耳圖說

項疽毒圖說 方二

風毒頸癰圖說 方一

發頤毒圖說 方三

穿腮圖說 方四

頰癰圖說

面風毒圖說

發鬚發髭圖說 方一

鬚發毒圖說

石疽圖說 方一

頰疽圖說 方三

漏睛瘡圖說 方二

鴉咯瘡圖說 方一

繭脣圖說 方三

瘡瘍經驗全書卷之二

宋燕山竇漢卿輯著

天都洪瞻巖  
桐川陳友恭

全校

圖論方


發

腦



此發腦者伏陽結滯邪毒上壅或生玉枕之端或在風池之穴或多或少大小不同形如硬癩漸至潰爛遍生髮中痛如刀刺赤腫無膿逆則黃水出順有白膿來治法以當歸川芎人參赤芍連翹桔梗天花粉升麻酒炒黃芩山梔金銀花黃芪乾葛之類以意消息治之外用紫金錠水磨搽之或大者以膏藥貼之一日三次宜服蠟礬丸  
 蜒蟄不拘多少和葱油爛絞汁加冰片麝香少許搽之

頭後蜂窠散注




此症發於頭後如是蜂窠者急宜救之若焮赤腫  
痛起者得療痰發者必難治矣急用調治之若或  
流於兩肩者決不可療也治法與發胸者同

枕疽



此毒蓋因風熱上攻入於內發此疽疾量人年紀  
老少用藥人年五十以上難治少壯可治更服內  
疎黃連湯十數貼加 羌活 金銀花 荆芥  
千金托裏散 宜服黃礬丸 外貼金絲膏治法  
與對口瘡同

### 腦疽



此毒受在腎藏虛實熱壅上腦戶結伏成毒也初  
起三日者剃去髮以艾炷如豆大者灸五壯外用  
圍藥庶能消矣當用三香內托散定痛消毒飲治

之

人參 當歸 升麻 川芎 白芍 桔梗

枳殼 茯苓 半夏 柴胡 甘草 羌活

防風 厚朴 白芷 天花粉

右剉姜三片燈心三十莖空心服

三香內托散

人參 木香 黃芪 厚朴 香草 紫蘇

枳殼 官桂 烏藥 白芍 白芷 川芎

防風 乳香 姜三棗二水煎不拘時服

上中下三搭手俱用此

對口瘡



此毒因虛陽上攻熱入於腦故生此疽正近咽喉

之所諸陽之會開速宜調治初起用千金內托散  
 加 羌活 獨活 柴胡 天花粉 煎服先散  
 其虛熱之氣然後服荆防敗毒散 外貼金絲膏  
 更服內托十宣散加 白芍 羌活 金銀花煎  
 服多服蠟礬丸護心散


圍藥

雄黃末 二錢 白芨末 一兩 和勻用蟹搗汁調敷留

孔時用水潤之

另有圍藥方在頂門癰中取用

兩邊髮際發





此症生頸後兩邊左右鬢髮邊發生急宜救之如  
核破而發者急宜取去病根如腦心發者熱氣上  
攻於腦四畔邊焮赤腫硬連於耳項寒熱疼痛若  
不急療毒入血肉腐壞為膿水頭中出血者氣喘  
及痰發者難治治法同前宜加減用引經藥

出發毒



此症之發多起於房勞太過乘虛風入經絡陽明  
經虛發於面也或面生癰癩患者欲求速愈面庸  
醫或以毒藥敷點或以艾火灸之或以針刀刺之  
或犯戾神惡宿或破後房事不戒或受狂風霜雪  
寒露暴戾之氣或服金石草木諸部惡毒相攻相  
反之劑以致病症日劇殊不知面爲諸陽之首禁  
火禁刀禁毒况耳目口鼻之官總係一處比四肢  
不同若不保重命亦難生何也面爲陽火氣入之  
薰蒸肌肉刀針刺之卽傷經絡毒藥點之暴剝皮  
肉轉轉爲患繼之以風邪入之則頭面虛腫目鼻  
腫脹患處日腐其臭穢難聞脾胃日削寒熱交作  
痛楚萬狀難以盡言若有五善而無七惡外敷清  
涼拔毒之藥內服參朮內托之劑每合犀角鬱金  
散服之以拔積毒其命方可保也否則難生  
清涼拔毒散

白芨

雄黃

麝香

乳香

山茨菇

天花粉

黃柏

烏藥

右爲末鷄子清調付蜜水潤之

參朮內托散

人參

白朮

粉草

犀角

貝母

浩然樓

黃連

防風

黃芩

酒炒

羌活

桔梗

當歸

生地

白芍

前胡

天花粉

因病之逆從而加減之

水二鍾姜三片煎服

犀角鬱金散

犀角

鬱金

真珠

牛黃

粉草

乳香

真粉

辰砂

煉蜜為丸噙化

寒瘡



一人面上及遍身生瘡似猫眼有光彩無膿血冬則近脛名曰寒瘡此乃脾家濕熱所化宜服雄黃解毒丸再服清肌滲濕湯多食魚鷄葱韭而愈惟鯉鮎魚蝦蟹不可食

清肌滲濕湯

蒼朮

白朮

升麻

甘草

澤瀉

山梔

黃連

厚朴

茯苓

當歸

川芎

青皮

木通

苦參

車前子

小柴胡

瘰癧



此症手少陽三焦經主之大抵二經多氣少血因

驚憂思慮故生此疾初起生於耳下及項間并頤  
 含下至缺盆在鎖子骨陷隱隱皮膚之內初生如  
 豆漸長如李核之狀或一粒或三五粒按之則動  
 而微痛不發熱惟午后微熱或夜間口乾飲食少  
 思四肢倦怠則堅而不潰潰而不合皆因氣血不  
 足往往變為癆瘵自覺紅腫或上或下或左或右  
 連串三五箇破潰遍項漸流膿血致成癩癧獨形  
 者為結核續欲連結者為瘰癧但此症原不係膏  
 梁之變因虛勞氣鬱所致宜以益氣養榮之藥治  
 之其瘡自消若金石暴悍之劑血氣愈損不能生  
 矣若不速治必至喪生

益氣養榮湯 治抑鬱及勞傷氣血頸項或四肢腫  
 硬或軟而不赤不痛日晡微熱或潰而不斂並治  
 之大効

人參錢一 白朮錢二 茯苓 陳皮 貝母 當歸

川芎 黃芪 熟地 白芍 桔梗 甘草

香附米各一錢

右作一劑水二鍾煎八分食遠服

胸痞滿人參地黃各減三分 口乾加五味子麥

冬 往來寒熱加小柴胡地骨皮 膿清倍加人

參黃芪 膿多加川芎當歸 膿不止加人參黃  
芪當歸貝母 肌肉遲生加白斂官桂

馬刀瘡與瘰癧同條少陽膽經主之此二經亦多  
氣少血或在耳之前后或在耳下連及頤含或在  
胸及胸側或在兩脇久堅不潰皆謂之馬刀瘡也  
故多堅少軟膿白如稀糊似泔水狀治者求水清  
可也形表如蛤者爲馬刀瘡

夏枯草湯 瘰癧馬刀瘡不問已潰未潰或久成漏  
並宜服之

夏枯草 六兩 水三碗煎至一碗去查食遠服此生

血補虛消毒之聖藥濃煎膏并塗患處多服十全  
大補湯加貝母香附遠志

治瘰癧已成未成已潰未潰以手置肩上微舉起則  
肘骨尖自現是灸處如患左灸左肘患右灸右肘  
若左右俱患兩肘皆灸以三十四壯爲期更服  
補劑一年灸一次三灸其瘡自除如患三四年不  
愈者辰時灸起至酉時方止三灸卽愈更服益氣  
養榮湯

又方灸法未成膿者用大蒜切片如二錢厚者安患  
上用艾炷於蒜上灸之至三五壯換蒜每日灸十

數蒜片以拔鬱毒如破久不合內有核或瘀肉  
 因氣血不足不能腐爛更用江西豆豉為末唾津  
 和為餅如前灸之以助陽氣內服補藥外貼金絲  
 膏瘡口自合矣

癰瘡痰核噙藥

昆布 酒洗 海藻 酒洗 大黃 酒拌蒸 三次 殭蠶 姜汁 拌炒

青黛 各二錢 枯梗 一錢 連翹 二錢 膽星 二錢

柴胡 片苓 酒炒 橘紅 黃連 酒炒

瓜蒌 各一錢

右為末煉蜜丸如芡實大不拘日夜噙之

神效灸治療癰穴法



一鼠尾穴在手臂上大肉處是穴

治男子婦人小兒患此症者依此四大燒灸無不  
効肩骨尾盡處是肩井二穴左肩灸左右肩灸右  
左右俱有俱灸鼠尾一穴用草一莖男比左手女  
比右手中節橫紋攢量過四肢紋盡處比交折斷  
將至絲螺骨尖中比至脚后總筋中是穴鼠尾左  
灸左右灸右俱有俱灸一年五壯年深多灸專治  
一切發者須要禁忌房事神効不虛可以活人灸  
畢瘡爛車前草葉搗爛貼之看遍身神人所在禁  
忌并擇天醫黃道吉日  
灸忌 既灸忌諸魚熱麵生酒生冷物鮮肉及房勞

又灸兩手掌后四寸兩筋間各七壯以病人中指橫  
紋量至本指尖為四寸再灸肘尖左病灸右右病  
灸左各三壯不過三次除根

如神散 瘰癧已破瘡口不合

松香末 一兩 白礬 三錢 為細末油調搽乾摻亦可

散腫潰堅丸 瘰癧馬刀服益氣養榮湯不能消散

者宜服此丸五日再服益氣湯五日相兼服之

知母 黃柏 廣茂 天花粉 俱酒炒

昆布 酒炒 連翹 黃連 炒 葛根 白芍

京三稜 各三錢炒 升麻 當歸梢 甘草



小柴胡

各一兩

草龍膽

四兩炒

黃芩

一錢

五分一半生用一半酒炒

右為細末煉蜜丸如桐子大每服七八十九白沸湯送下

神秘散 服散堅丸益氣湯不愈宜進此藥再服益

氣湯

班猫

十枚去頭足翅同糯米炒去米不用為末

荆芥穗

二錢

黑牽牛末

一錢

僵蠶末

二錢炙

和入每服二錢五更溫酒調下日午惡物從小便

中出如小便澁或痛以葱白湯飲之或木通湯更

以米粥補之若不下明早五更再服以下為度無

力者不可下每早服之五早為度

得効針頭散 追蝕惡瘡瘰肉

赤石脂

半兩

乳香

各二錢

白丁香

各一分

麝香

三分

蜈蚣

一條

右為末摻於瘰肉上或瘡口小就搽瘡口上瘰肉

自去更以膏藥貼之肉亦去嘗用砒末二錢以白

礬末二錢和勻同火上飛過用礬一錢合藥亦効

但不及生砒之功速耳

柴胡連翹湯 治馬刀瘡

小柴胡 五錢 鼠粘子 二錢 薄桂 五錢 連翹 五錢

瞿麥穗 六錢 炙草 三錢 生地 三錢 歸尾 一錢五分

黃柏 三錢 酒炒 知母 三錢 黃芩 酒炒

右勻作四劑水煎服之

消毒湯 治馬刀瘡

柴胡 二錢 連翹 二錢 歸尾 一錢 紅花 一錢

甘草 一錢 生芩 二錢 黃連 五分 天花粉 二錢

鼠粘子 五分 黃芪 二錢

柴胡通經湯 小兒項側有瘡堅而不潰亦名馬刀瘡

柴胡 連翹 當歸尾 黃連

黃芩 生甘草 鼠粘子 桔梗

三稜 紅花 川芎 水煎服

必効散 治癰瘰

朋砂 二錢五分 輕粉 一錢 麝香 五分 栳榔 一枚

斑猫 四十去 巴豆 五枚去

右同研末取鷄子清二枚去黃調藥勻傾在鷄子

殼內濕綿紙數層糊定勿令透氣飯上蒸熟取藥

晒乾研末用時看病人虛實虛者用五分實者用

一錢並用煨熟老姜煎酒五更空心調下天明取

下惡物如小腹內疼痛便用天麻子燒灰一錢沒藥一錢同研爲細末茶清調下一錢取下惡物或如爛肉或如初出老鼠或新成卵內雀兒是藥効驗婦人有孕不可服

治頸上痰核飲之半月卽効

青木香根葉

獨脚將軍草 各一斤

右用大酒十斤放二味在瓶內封固瓶口重湯煮三枝官香爲度埋地中三日出火毒飲之

立消紅腫痰核 用石灰窰內紅土鑿爲末菜油調搽空中出毒出膿以膏藥貼之

風毒發疽



此瘡受在氣血不通凝滯脾胃有傷經絡或過食  
炙燻或被毒氣聚結成瘡或乘虛為賊風所吹當  
用溫中順氣飲 順氣飲孕婦加減服

溫中順氣飲

生地

茯苓

厚朴

白朮

甘草

青皮

枳殼

桔梗

當歸

川芎

防風

木香

白芍

蓬朮

右用姜三片棗二枚煎服不拘時  
若孕婦去蓬朮厚朴加砂仁陳皮

頂門癰



此癰受在六府與陰陽不調氣上熱壅而成癰毒傷於腦經於是毒症不可輕忽先用敗毒流氣飲後服內托流氣飲治之

外用救苦拔毒膏

雄蜒蚰一二條和葱白二寸搗極爛如雄黃末一錢白芨末一錢和勻敷患處留孔乾用水潤之何為雄蜒蚰背上有白紋者是也對口瘡發鬚發疽之症亦治

用敗毒流氣飲

人參

乾葛

枳殼

桔梗

甘草

柴胡

防風

細辛

薄荷

川芎

羌活

芍藥

獨活

白芷

紫蘇

天花粉

姜三片棗一枚水煎食後服

下消用內托流氣飲

人參

木香

黃芪

厚朴

甘草

紫蘇

桔梗

官桂

冬加夏減

檳榔

烏藥

枳殼

當歸

川芎

芍藥

白芷

姜三片棗二枚煎服

或熱加柴胡黃芩

去官桂

或痛加玄胡索 五靈脂乳香  
 或瀉痢加附子 人參 白朮<sup>上</sup>澤瀉  
 胃氣不順加陳皮茯苓 半夏 山藥  
 嘔吐加生姜藿香

眉風毒



此毒受在肝經氣血上壅結聚成毒當用敗毒流  
 氣飲內托流氣飲清肝飲治之  
 敗毒流氣飲

紫蘇 桔梗 生地 薄荷 青皮 枳殼  
 甘草 防風 川芎 羌活 前胡 連翹  
 芍藥 小柴胡

內托清肝飲

人參 黃芪 厚朴 甘草 防風 桔梗  
 花粉 枳殼 藁本 升麻 烏藥 當歸  
 白芍 白芷 川芎 金銀花

姜三片棗一枚煎服

圍藥 用頂門癰救苦拔毒膏治之如無蜒蚰急用  
 金箍散敷之立効

發眉瘡



發眉瘡從眉至頭生瘡色黑其腰漸漸腫氣浮滿

面其瘡如石針刺無膿其水自出痛不可忍悶亂  
 嘔逆者正是此瘡六日可刺出膿如吐逆心悶漸  
 減可治如不能減男子二十四日而殞女子七日  
 而終矣急用止疼之藥治之  
 止痛拔毒散

- |            |     |     |    |     |
|------------|-----|-----|----|-----|
| 升麻         | 甘草節 | 鼠粘子 | 乳香 | 山梔  |
| 黃連         | 歸須  | 川芎  | 白芍 | 生地  |
| 桃仁         | 黃芩  | 羌活  | 獨活 | 桔梗  |
| 白芷         | 青皮  | 蟬殼  | 連翹 | 金銀花 |
| 宜搽紫金錠 服護心散 |     |     |    |     |

上下眼丹



此毒受在心肝氣毒上攻壅而聚此丹毒當用清  
 心流氣飲治之兼服黃連敗毒丸

清心流氣飲

茯苓

防風

甘草



紫蘇 羌活 獨活 川芎 青皮

薄荷 黃芩 柴胡 荆芥 赤芍

麥冬 連翹 蔓荆子 石膏 右木煎服

黃連敗毒丸

黃連 二兩 甘草 一兩 連翹 一兩 防風 一兩 羌活 一兩

一兩 細辛 一兩 薄荷 五錢 黃芩 一兩 甘菊花 一兩

右為細末煉蜜丸如梧子大每五十九丸食後白湯

下

搽藥 皂礬 五錢 大粉草 二兩 二味同煎濃膏加水

片少許用鴨毛潤眼眶上即愈

發鬚毒



此毒受在手陽明經氣虛風熱上壅風毒成瘡當  
用清心流氣飲次用內托流氣飲治之此症客于  
會合之前灌在關後形如米粒漸次赤腫遍身潮

熱

清心流氣飲

茯苓

防風

甘草

柴胡

羌活

川芎

獨活

紫蘇

連翹

赤芍

人參

白芷

前胡

山梔

內托流氣飲

人參

黃芪

厚朴

甘草

紫蘇

桔梗

枳殼

烏藥

細辛

當歸

防風

川芎

白芷

鼠粘子

芍藥

姜三片煎服

蠟鑿丸日進三四服

鬚疽



此疽受在脾胃心肺熱氣結成毒也當用敗毒流氣飲清肝流氣飲治之或醫緩之命亦難生矣慎之慎之

敗毒流氣飲

紫蘇

桔梗

枳殼

甘草

白芷

川芎

薄荷

生地

乾葛

麥冬

當歸

芍藥

柴胡

天花粉

鼠粘子

右水煎食後服

清肝流氣飲

桔梗

枳殼

甘草

防風

前胡

羌活

青皮

生地

黃芩

獨活

川芎

當歸

芍藥


茯苓

小柴胡

姜三棗一煎服

蠟礬丸時時服之

疔腮毒



此毒受在牙根耳疔通于肝腎氣血不流壅滯頰腮此是風毒症先用清肝流氣飲後用托裏流氣

飲治之

清肝流氣飲

枳殼

桔梗

黃芪

前胡

羌活

甘草

石膏

防風

川芎

芍藥

荆芥

白芷

生地

薄荷

托裏流氣飲

人參

黃芪

當歸

川芎

白芍

甘草

防風

厚朴

烏藥

官桂

木香

姜三棗一煎服

患處用圍藥敷之

耳風毒



耳風毒受在心腎氣不流行壅在心經致傷于耳  
五種耳痔耳聾耳塞耳濕耳爛可用清肝流氣飲

後用定痛降氣湯治之如遇耳痔耳聾先用針刺  
破用紅玉膏點之耳脹痛用虎耳草汁滴入耳內  
痛即止耳疔以燒酒滴疔根上方得脫隨用苦茶  
洗解酒毒

清肝流氣飲

枳殼 桔梗 黃芩 前胡 羌活

青皮 小柴胡 薄荷 生地 烏藥

甘草 防風 川芎 白芷 石膏

赤芍 右用水煎服

定痛降氣湯

紫蘇 厚朴 陳皮 甘草 半夏

前胡 川芎 防風 芍藥 白芷

當歸 黃柏 知母 乳香 小柴胡

姜三片棗一枚煎服不拘時

若耳輪赤爛清涼膏貼之

耳脹痛

用江魚齒又名腦內骨火煨為末水調滴入耳內

耳門癰

耳根癰



耳門癰受在肝經毒氣傳注血不周流此是惡毒  
症也當用煎藥治之

耳根癰受在腎經絡怒氣傷心凝滯肝經風熱壅  
盛成毒也當用眉風藥治之

頰上者不爲風 頰下者要成漏瘡此症不可輕  
易用眉風藥治之可也

用前清肝流氣散活法施治之

發耳



其瘡生於耳邊又名熱毒發疽五六月間漸長如  
蜂窠皮紫者亦熱諸處如火燒痛不可忍十日可  
刺無膿者十一日死若瘡不硬刺見白膿者不死  
黃膿出者不死無時出鮮血者及赤膿者死食不  
知味多謊語者亦死在二十日之間便見凶吉  
煎藥用千金內托散隨時增損之

項疽毒



此毒因五臟受毒氣壅血枯伏在風府之間惡症

也當用敗毒流氣飲治之後用內托流氣飲

敗毒流氣飲

紫蘇

桔梗

甘草

川芎

小柴胡

青皮

枳殼

防風

羌活

白芷

芍藥

當歸

連翹

獨活

右水姜三棗一煎服

後服內托流氣飲

人參

黃芪

厚朴

甘草

紫蘇

桔梗

枳殼

官桂

檳榔

烏藥

當歸

防風

白芷

芍藥

川芎

柴胡

煎同前

婦人加香附

夏天去官桂加麥冬



風毒頸癰



一人肥壯素能飲酒酷暑遠行酒醉居于舟中卧  
于風內又為日色暑氣相侵并有七情所干歸家  
不免于色慾頸項間忽痛如失枕之狀其名曰何  
乃風熱鎖喉毒也久則紅色透于肩背堅硬難消  
急服清暑疎風散

清暑疎風散

羌活

防風

荆芥

升麻

甘草

乾葛

蒼朮

厚朴

川芎

當歸

白芍

獨活

白芷

桔梗

紫蘇

大柴胡

薄荷

薄桂

枳殼

蔓荊子

木香 藁本

水二鍾姜七片葱白三根濃煎熱服隨飲好酒以助藥力以衣覆患上出汗為要次用圍藥并服千金托裏散加疎風清暑之劑

發願毒 一名流注



此毒傷寒後餘毒不散汗發不透故發此疽在頭

耳一寸三分在心窩兩肋在身者可治在耳後相連咽喉恐毒氣內攻難進飲食藥餌鼻流清膿兩耳閉塞者即死無即生用前二十四味流氣飲熱服以出其汗次服千金內托散 患上用鐵箍散將姜汁好醋加蜜少許和勻火上熬熱調藥搽四向空中出毒時用餘汁溫潤之

千金內托散

- 桔梗 厚朴 白芷 防風 人參
- 黃芪 川芎 甘草 當歸 官桂
- 黃芩 白朮 煎服

不換金散

- 半夏 厚朴 蒼朮 陳皮
  - 人參 藿香 茯苓 木香
- 後再服乳香護心散 仍貼金絲膏

穿腮



一名骨槽風一名穿珠一名附骨一名穿喉一名

牙槽風

此毒因憂思驚慮太陽受症結于大腸之間邪毒  
交生灌于經絡之內初起生于耳下及項間隱隱  
皮膚之內畧有小核漸長如李子之狀便覺紅腫  
或上或下或左或右牙關口噤不開急用鷲毛攪  
出風痰卽服驅風破毒散立愈

驅風破毒散

白礬

巴豆

去殼油

紅內硝

草烏尖

猪牙皂角

薄荷

各等分

右爲細末吹之

又方

天麻

防風

草烏

草撥

細辛

乳香

川芎

朋砂

薄荷

麝香

溫水嗽口或鼻內吹之

此症小兒亦生者其故何也稟氣虛弱感風寒暑熱相結成疳或恣食肥甘生冷甜物餘穢積成于牙縫不能滌洗去垢漸爛至臭膿血淋漓日久則氣血凝滯結成多骨而出甚至爛漫穿腮急用珍珠水片散搽之

珍珠冰片散

珍珠

一錢

紅絨末

一錢

人中白

煨二錢

枯礬

二錢

鷄內金

煨存性一錢

冰片

五分

麝香

二分

銅青

一錢

青錠

一錢

黃連末

一錢

孩兒茶

一錢

細芽茶

一錢

右為細末先用蚌水繳淨患處每搽入之一日夜一二十次之方愈男婦亦然并服煎劑

清熱消疳散

乾葛

升麻

生草

貝母

黃連

黃芩

茯苓

桔梗

薄荷

防風

荆芥

羌活

青皮

牡丹皮

當歸

白芍

生地

鼠粘子

水二鍾燈心三十莖煎服  
 虛加人參白朮年久加草龍膽  
 熱加柴胡前胡

頰癰



此毒生于頰上不爲風頰下要成漏瘡不可輕易  
當用敗毒流氣飲 再用內托清肝飲  
二方見前 圍藥同前

面風毒



此毒氣血壅上結聚成毒當用鬚疳藥治之先用  
敗毒流氣飲後用清肝流氣飲治之  
外用圍藥敷之

發鬚毒  
發髭毒





此發鬚者脾胃虛熱心肺邪風上攻禾膠之端多在承漿之側形如羊刺四邊腫硬痛楚難禁時流黃水麻痺增寒壯熱毒氣下流心胸主壯逆皆伏陽攻于心肺虛熱注于三焦內服當歸內托散外微擦破以神應散搽之

神應散

輕粉 一錢 鷄內黃 二錢 麝香 三分 冰片 三分

黃柏末 二錢 韶粉 二錢 五倍末 一錢 黃連 二錢

右爲末先用甘草苦參猪蹄薄荷白芷防風荆芥煎湯洗淨拭乾將陳菜油猪膽汁調搽之


鬚發毒



全... 卷二... 浩然樓

此毒因腎經有熱水枯不能上潤于心火故發此  
毒急服人參敗毒散加五味子 千金內托散  
蠟礬丸每服五六十九丸連進十餘服待疽軟頭用  
替針丸咬破不可用針刺若針刺瘡口出黃水四  
圍生細黃泡遍面遊走再用敗毒散圍四畔治法  
同發髭毒煎劑隨時施治

石疽



石疽雖與石癰同惟石疽深寒客于經絡血氣結  
聚不散隱于皮內腫拔之如石此毒連頸項之間

內先潰爛方出皮膚恐髓出頸項者卽死用排膿  
內補十宣散待膿盡內補散戀心乳香護心散仍  
貼金絲膏渴甚加五味天花粉乾葛麥冬烏梅初  
起須用艾火灸患上三四十壯發于額面者不可  
矣

煉石散 堅如石碗其色不變

鹿角

燒灰  
八兩

白薇

三兩

粗厲黃石

二斤

右用好醋五升先

燒石通紅淬醋中再燒再淬醋盡方止爲末加二  
味末將剩下醋調如泥塗上消軟灸處亦塗之

又方 以商陸搗碎塗患上

瘡疽



此毒生于頰車之上多者皆出于附骨亦名附骨  
 疽若不速治漸到其骨久後必致成漏終不能痊  
 治方于後內托散加 羌活 獨活 水煎服  
 次用十奇散加川椒 細辛 桔梗 青皮  
 外用圍藥搽之

漏睛瘡



醫方類聚卷之八十一 瘡毒

夫漏睛瘡者肝臟毒氣小腸邪風外攻腎端灌于  
瞳人初生疼痒漸成膿水其色如疳日久睛昏氣  
敗肝絕難救之症慎之慎之

先服黃芪當歸川芎生地白芍黃芩薄荷荆芥連  
翹白芷升麻桔梗天花粉之類

次用黃連地骨皮當歸煎湯溫洗

治方關要惟補腎宣肝爲急學者宜參詳之不可  
輕視之也

鵝陷瘡



鴉喙者久中邪熱臟腑虛寒血氣衰少腠理不密  
 發于皮膚之上相生如錢竅後爛似鴉喙日久將  
 來損傷難治小兒同前其治法用陰蝕瘡之藥治  
 之

鴉喙散

老鴉毛燒灰

大紅絨灰一錢

珍珠五分

冰片一分

枯礬五分

輕粉三分

黃丹一錢

麝香少許

右為細末先用苦茶洗淨乾摻其煎劑以意加減  
 用之

兩唇

此症生在唇上



爾唇者此症生于嘴唇也其形似蠶繭故名之內  
經云脾氣開于口又云脾之榮在唇但燥則乾熱  
則裂風則咽塞則揭若腫起白皮皴裂如蠶繭故  
定名曰繭唇也始起一小瘤如豆大或再生之漸  
漸腫大合而爲一約有寸厚或翻花如楊梅如疔  
瘡如靈芝如菌形狀不一皆由六氣七情相感而  
成或心思太過憂慮過深則心火焦熾傳授脾經  
或食醞酒厚味積熱傷脾而腎水枯竭以致之須  
審其病症之因惟補腎水生脾血則燥自潤火自  
除風自息腫自消矣此亦異症所生者少人亦難  
曉若久不愈者急用金銀烙鐵在艾火內燒紅盪  
之內服歸脾養榮湯庶易愈矣若外用追蝕惡毒  
線結之法反爲所傷慎哉慎哉若婦人患此陰血  
衰少故也宜用四物逍遙散治之

歸脾養榮湯

當歸

川芎

白芍

生地

茯苓

陳皮

小柴胡

甘草

麥冬

升麻

山梔

桔梗

黃芪

白朮

防風

黃連

牡丹皮

黃柏

知母

婦人加澤蘭香附玄胡索

烙鐵法

不拘金銀打成烙鐵每用艾火然燒通紅乘熱盪  
患上再然再盪一日止可五六次恐傷元氣須要  
擇上吉日不犯屍神盪畢隨將藥搽之庶不再生  
矣

除根搽藥

莧菜

陰乾燒  
灰三錢

銅青

二錢

枯凡

二錢

輕粉

一錢

雄黃

一錢

鷄內金

二錢

麝香

二分

孩兒茶

二錢

右為細末麻油調搽明日再用甘草湯洗淨再烙

如前以平為度後用生肌散

花蕊石

醋煨  
二錢

孩兒茶

二錢

鷄內金

二錢

飛丹

煨水  
一錢

乳香

一錢

血竭

二錢

紅絨灰

一錢

黃連

一錢

右為細末加冰片一分乾搽



西

西

